

!Yu Mas KAEN!

Mi bin letem laet blong mi i saen taem mi bin stap kaen long ol narawan.

!Halo!

Mi mi Claudia mo mi stap long Ostrelia.

Brata blong Claudia, Tyler

Mi Stanap From Ol Narawan

Wan boe long klas blong mi long skul i stap gat hadtaem blong lanem samting. Mi stap toktok from hem taem ol pipol oli stap jikim hem, mo mi helpem hem long klas taem hem i nidim. Tija blong mi i talem se, long yia ia nomo, boe ia i film se hem i pat blong klas blong hem.



Smol Tedi Bea blong Mi

Taem tija blong angel blong mi i ded, tija i harem nogud tumas. Tija ia, we i wan woman, i no save abaot Jos, mekem se mi talem long hem se Papa long Heven i lavem hem. Mi mekem wan kad mo talem long hem se bambae hem i luk angel blong hem bakegen. Mi givim spesel smol tedi bea blong mi long hem blong helpem hem tru long nogud taem ia.



Ol Laki Fren

Neiba blong mi, Olivia i stap traehad blong wokbaot, toktok mo harem samting. Mama blong Olivia i talem se Olivia i laki blong gat wan fren olsem mi. !Mi tu, mi laki!



Singsing mo Tabu Spirit

Mi laekem blong singsing ol singsing we oli stap long *Children's Songbook*. Famli blong mi i talem se hemia i helpem olgeta blong film Tabu Spirit. Tabu Spirit i givim mi ol wom filing insaed long mi.



?OLSEM WANEM NAO BAE YU SAEN?

YU MAS mekem fren wetem wan we i no gat tumas fren.
YU MAS helpem neiba blong yu.
YU MAS invaetem wan fren i kam long jos.
!YU MAS singsing!

SENDEM WAN STA I KAM!

?Olsem wanem yu letem laet blong yu i saen olsem we Jisas i stap askem yumi blong mekem? Imelem wan pikja blong sta blong yu wetem stori blong yu, mo foto blong yu, mo tu, raet blong papa mo mama blong yu, i go long liahona@ldschurch.org.



OL FOTO BLONG KOALA OLI KAM LONG GETTY IMAGES